

Formuláriu konsentimentu molok hahú serbisu

Nu'udar parte husi teste molok Ita-Boot hahú serbisu, ami husu Ita-Boot responde ba pergunta lubuk ida. Teste molok hahú serbisu nia objetivu atu selesiona kandidatu traballadór sira ba serbisu ne'ebé apropiadu liu ba sira-nia kapasidade. Tanba ne'e importante tebes katak Ita-Boot responde ba pergunta sira ho nakloke no onestu ho nune'e ami bele koloka Ita-Boot ba serbisu ne'ebé apropiadu. La iha pergunta ne'ebé loos/sala, ka pasa/falla.

Modalidade: Ezame Fíziku

Risku sira: Sente moras iha fatin espesífiku

Aleinde ida-ne'e, ami sei husu Ita-Boot permite ami sukat Ita-Boot nia forsa no halo ezame fíziku, hodi husu Ita-Boot book ruin-fukun no múskulu sira.

Maski la naran akontese, iha kazu balu ema sente moras iha fatin espesífiku depoizde ezame fíziku.

Antes, ami hato'o obrigadu ba Ita-Boot nia partisipasaun. Se Ita-Boot iha preokupasaun ka pergunta ruma kona-ba teste molok hahú serbisu, favór diskute ho fornecedor husi Work Healthy Australia.

Ha'u lee no komprende informasaun iha leten, inklui risku potenciál sira bainhira ha'u participa iha teste molok hahú serbisu. Ha'u responde ba pergunta sira ho onestu. Ha'u konkorda atu aseita risku sira ne'ebé deklara ona no fó ha'u-nia konsentimentu eskritu ba fornecedor husi Work Healthy Australia hodi halo teste molok hahú serbisu.

Ha'u hetan tiha ona oportunidade atu hato'o pergunta ruma kona-ba teste molok hahú serbisu, no karik ha'u hato'o pergunta ruma, fornecedor husi Work Healthy Australia responde tiha ona ba pergunta hirak-ne'e.

Kuandu kompañia ne'ebé bele fó serbisu mai ha'u iha futuru presiza, ha'u fó konsentimentu atu foti ha'u-nia urina no/ka kabeen ba objetivu halo teste droga no/ka alkohol molok serbisu. Ha'u deklara tiha ona kona-ba ai-moruk, medikamentu no substánsia seluk ruma ne'ebé la sujeitu ba reseita médika ne'ebé ha'u uza durante fulan ida ikus ne'e.

Ha'u simu ona kópia husi Work Healthy Australia nia Polítika Privasidade, no ha'u konkorda ho maneira ne'ebé Work Healthy Australia sei uza hodi rai ha'u-nia informasaun pesoál bazeia ba polítika refere, inklui oinsá Work Healthy Australia bele halibur no uza ha'u-nia informasaun pesoál, no bele divulga ha'u-nia informasaun pesoál ba parte datoluk sira ne'ebé mensiona iha polítika refere.

Tanba kualkér kompañia iha responsabilidade relasiona ho ha'u-nia saúde no seguransa, dala ruma nesesáriu ba fornecedor husi Work Healthy Australia hodi koordena ho ema sira ne'ebé relevante iha organizasaun ne'e. Tanba ne'e ha'u fó konsentimentu hodi permite fornecedor husi Work Healthy Australia atu diskute, divulga ka fahe ha'u-nia dezempeñu fíziku iha avaliasaun ne'e no ha'u-nia informasaun saúde no informasaun pesoál sira seluk ne'ebé relevante kona-ba ha'u-nia dezempeñu karik ha'u serbisu iha organizasaun ne'e iha futuro, ho ema sira tuir mai ne'ebé responsavel ba ha'u-nia kuidadu saúde ka seguransa: fornecedor servisu saúde no médiku sira seluk, pesoál Saúde no Seguransa iha Serbisu-Fatin, pesoál RU, Koordinador Reabilitasaun, no mos supervizór no jestór sira iha organizasaun ne'e.